

II - ARABAKO LURRALDE
HISTORIKOAREN TOKI ADMINISTRAZIOA

ARRATZUA-UBARRUNDIAKO UDALA

Zerbitzuak emateagatiko eta jarduerak egiteagatiko tasak arautzen dituen ordenantza fiskala aldatzeko espedientea behin betiko onartzea

4. eranskina "zabor-bilketa" aldatzeko onartu zen erreferentziako espedienteari alegaziorik egin ez zaionez, argitaratu egiten da indarrean jartzeko.

Duranean, 2024ko abenduaren 23an

Alkatea

MARIA BLANCA ANTÉPARA URIBE

ZERBITZUAK EMATEAGATIKO ETA JARDUERAK EGITEAGATIKO TASAK
ARAUTZEN DITUEN ORDENANTZA FISKALA.

I. Xedapen orokorrak

1. artikulua

Arratzua-Ubarrundiako Udalak, Arabako Lurralde Historikoko Toki Ogasunak arautzen dituen Foru Arauaren 20. eta 25. artikuluetan xedatutakoarekin bat etorritik (Konstituzio Auzitegiaren abenduaren 14ko 185/1995 epaia eta uztailearen 13ko 25/1998 Legea), tasak ezarri eta exijitzen ditu eranskinean jasotzen diren zerbitzuak emateagatik eta jarduerak gauzatzeagatik, ordenantza honetan ezarritakoaren arabera.

2. artikulua

Ordenantza hau Arratzua-Ubarrundia udalerrira osoan aplikatzen da.

II. Zergapeko egitatea

3. artikulua

1. Zergapeko egitatea da udal-administrazioak udal-eskumeneko zerbitzua benetan ematea edo administrazio-jarduera gauzatzea, dela eskatu delako, dela, zeharka, subjektu pasiboari berariaz eragiten dion partikularren egite edo ez-egiteek eragin dutelako.

2. Zerbitzuak emateagatik tasek ez dute baztertzen horiek ezarri edo handitzeagatik kontribuzio bereziak ordainaraztea.

III. Subjektu pasiboa

4. artikulua

1. Subjektu pasiboak dira, zergadun gisa, Lurralde Historikoko Zergei buruzko Foru Arau Orokorraren 35. artikuluan aipatzen diren pertsona fisikoak eta erakundeak, zerbitzuak edo jarduerak eskatzen dituztenak edo zerbitzu edo jarduera horien onura edo eragina jasotzen dutenak.

2. Honako hauek izango dira zergadunaren ordezkari subjektu pasiboak:

a) Etxebizitza edo lokalen erabiltzaile edo okupatzaileen onurarako diren edo haiengan eragina duten zerbitzu edo jarduerengatik ezarritako tasetan, higiezin horien jabeek kuotak ordainarazi ahal izango dizkiete onuradunei.

b) Hirigintza-lizentziak emateagatik ezarritako tasetan obra-erakitzzaile eta -kontratistak.

5. artikulua

Honako hauek ordaindu behar dituzte tasak:

a) Partikularrek eskatuta egindako zerbitzu edo jardueren kasuan, hala eskatzen dutenak.

b) Partikularrek eskatu gabe egindako zerbitzu edo jardueren kasuan, baina ekintza edo ez-egite horiek egozgarri zaizkienei egozteko moduko ekintzen edo ez-egiteen ondorioz.

c) Subjektu pasiboarekin batera, ordenantza honetatik eratortzen diren zergazorren erantzule izango dira eranskinean agertzen diren tarifak aplikatzeko arauetan aipatzen diren pertsonak.

IV. Salbuespenak, murrizketak eta hobariak

6. artikulua

Salbuespenak, murrizketak, hobariak eta bestelako onura fiskalak emateko, aplikatu beharreko xedapen orokorretan ezarritakoa bete beharko da.

V. Zerga-oinarria

7. artikulua

Dagokion zerbitzu edo jardueraren kostu erreala edo aurreikus daitekeena izango da zerga-oinarria, zerbitzuaren edo jardueraren kostu osoa eratzelaguntzen duten zuzeneko edo zeharkako gastuak kontuan hartuta, baita finantzakoak, ibilgetuaren amortizaziokoak eta orokorrak ere, aplikagarriak badira, eta ekarpen berezien bidez ordaintzen ez badira.

VI. Kuota

8. artikulua

Aurreko artikuluko oinarriari eranskinean jasotako tarifen barruan dagokion tarifa aplikatuz zehaztuko da tributu-kuota, hura aplikatzeko arauen arabera.

VII. Sortzapena

9. artikulua

Tasa honela sortuko da:

1. Zerbitzua edo jarduera ematen hasten denean, zerbitzu edo jarduera horren zenbateko osoa edo partzialagordailutzeaeskatzeko aukerari kalterik egin gabe.

2. Jarduketa edo espedientea hasteko eskaera aurkezten denean; eskabidea edo espedientea ez da egingo edo izapidetuko dagokion ordainketa egin gabe.

VIII. Likidazioa eta diru-sarrera

10. artikulua

Udal-administrazioak kontzeptubakoitzeko dagokion likidazioa egingo du, eta likidatutako zenbatekoa eskudirutan ordainduko du, kasuan kasuko tarifetan jasotako ordainarazpen bakoitzaren arau partikularren arabera.

Hori guztia, tasak autolikidazio-erregimenean kobratzeko eskatu ahal izateari kalterik egin gabe.

IX. Tasen kudeaketa

11. artikulua

Ordenantza honetan araututako tasak likidatzeari, biltzeari eta ikuskatzeari dagokionez, bai eta zerga-arloko arau-hausteak kalifikatzeari eta kasu bakoitzari dagokion zehapenak zehazteari dagokionez ere, Arabako Lurralde Historikoko Zergen Foru Arau Orokorrean eta indarrean dauden legezko xedapenetan aurreikusitakoa aplikatuko da.

Eranskina.

Zerbitzu publikoak emateagatiko eta jarduerak gauzatzeagatiko tasak

1. hirigintza-lizentziak emateko jarduerak

1.1 xedea.

Ordainarazpen honen xedea da eraikuntza- eta erabilera-egintzak eta/edo alde zuzeneko udal-lizentziari edo aurretiazko jakinarazpenari lotutako edozein egintzagauzatzeko baimenak egiaztatzen bideratutako udal-jarduera, teknikoa edo administratiboa, betiere hirigintza-lege eta -arauetan, eraikuntza-ordenantzetan eta eraikuntzen, obren eta lurzoruaren erabileraren arloan aplikatzekoak diren gainerako xedapenetan aurreikusitakoarekin bat etorritik, betiere eraikuntzen, instalazioen eta obren gaineko udal-zergen ordaintzeko betebeharra ez badakar.

1.2 tarifak.

Epigrafe hauetara egokituko dira:

1. epigrafe. Finkak partzelatzeko, bereizteko eta elkartzekolizentziak: 50 euro.

2. epigrafe. Hirigintzakokontsultak. 20 euro.

1.3 sortzapena.

Tasaren sortzapezalizentzia-eskaera egiten den unean gertatuko da, edo, lizentzia eskatu gabe ere, deskribatutako tarifen arabera tasak sorrazten dituzten egitateak gertatzen direnean.

2. establezimenduak irekitzea

2.1 xedea.

Tasa honen xedea izango da zerbitzu tekniko eta administratiboak ematea, aldez aurretik beharrezko irekiera-lizentzia eman edo aurretiazko jakinarazpena egiaztatu aurretik, jarduera profesionalak, merkataritzakoak, industriakoak, zerbitzuetaoak edo edozein jarduera edo instalaziotakoak egiten direnean, baldin eta jarduera horietarako lizentzia edo baimena eskatzen bada ingurumenari buruzko araudi propioaren arabera, bai eta horientzako lagungarri edo osagarri diren edo haiekin zerikusia duten espazioak ere.

2.2 tarifak.

Epigrafe hauetara egokituko dira:

1. epigrafea. Sailkatutako jardueren aurretiazko jakinarazpenean ezarritako baldintzakegiaztatzea eta horiek irekitzea. 20 euro.
2. epigrafea. Ingurumena babesteko otsailaren 27ko 3/98 Lege Orokorraren arabera sailkatutako jarduera-lizentzia. 100 euro.

2.3 aplikazio-arauak.

- Tasaren sortzapezalizentzia-eskaera edo aurretiazko jakinarazpena egiten den unean gertatuko da, edo, eskatu edo jakinarazi ez bada ere, hurrengo erregelaren adierazitako inguruabarretako bat gertatzen denean.

- Ordainarazpen honen ondorioetarako, hauek izango dira irekitzeko baimena edo aldez aurreko jakinarazpena lortu beharra duten establezimendu edo instalazioak:

* Lehenengo instalazioak, baita merkataritza-, industria- edo zerbitzu-xedeetarako makinak edo bestelako elementuak instalatzeheutsa ere, nahiz eta berehala ez abiarazi, funtzionatu edo ireki.

* Lokalak lekuz aldatzea.

* Jarduera-aldaketak, izena, titularra eta lokala aldatu ez arren.

* Jarduera zabaltzea, baldin eta jarduera horiek jarduera ekonomikoen gaineko zergaren kuota handitzea badakarte, salbu eta gehikuntza horiek zerga-erreformaren ondoriozkoak badira.

* Lokalak handitzea.

- Jarduera batek bi irekiera-lizentzia desberdin lortu behar baditu edo irekiera-lizentzia batek hainbat jarduera estaltzen baditu, zenbateko handieneko epigrafean ordainduko da zerga.

- Eskabidean atzera egiten bada ebazpenaren edo ukapenaren aurretik, ez da tasarik ordaindu beharrik izango.

- Indarrean dagoen araudiari egokitzeko lizentzia emateko prozedura izapidetzea eskatzen ez duten lizentzia-eskualdatzeak ez dira zergapetuko.

3. arriskutsuak izan daitezkeen animaliak edukitzeko lizentziak ematea

3.1 xedea.

Tasaren gaia da Udalak zerbitzu tekniko eta administratiboak egitea arriskutsuak izan daitezkeen animaliak edukitzeko baimenak eman aurretik eta halakoak berriro aurretik, martxoaren 22ko 287/2002 Errege Dekretuan ezarritakoaren arabera, zeinak garatu egiten baititu abenduaren 23ko 50/1999 Legea, arriskutsuak izan daitezkeen animaliak edukitzearen araubide juridikoari buruzkoa, eta ekainaren 1eko 101/2004 Dekretua, Euskal Autonomia Erkidegoan txakurrak edukitzeari buruzkoa.

3.2. Tarifak.

Baimenak ematea edo berritzea, arriskutsuak izan daitezkeen animaliak edukitzeko: 10 euro.

3.3. Sortzapena.

Tasa ordaintzeko beharra sortuko da baimena emateko edo berritzeko eskaera egiten den unean.

4. Zaborrak biltzea

4.1 Helburua.

Tasa honen xedea da etxebizitzetan, lokaletan, industria- eta merkataritza-establezimenduetan eta jardueraren bat egiten den beste higiezin batzuetan zaborra eta hondakinak biltzeko zerbitzua ematea, bai eta baimendutako zabortegetan garraiatu eta tratatzea ere. Hori udal-kudeaketa zuzenaren bidez edo kontratistaren bidez egiten denean.

4.2. Zerbitzuaren nahitaezko izaera.

Zaborra biltzeko zerbitzua orokorra eta nahitaezkoa da, eta, beraz, udalerrria osatzen duten udalerrietan dauden higiezinen titularrek eta erabiltzaileek erabiliko dute.

4.3 subjektu pasiboa.

Tasaren subjektu pasibotzat hartuko da titularra, Ondasun Higiezinaren gaineko Zerga arautzen duen ordenantzaren 7. artikulua araber.

4.4. Sortzapena.

Tasaren sortzapena urte bakoitzeko urtarrilaren 1ean gertatzen da, eta Ondasun Higiezinaren gaineko Zerga arautzen duen ordenantzaren 18. artikuluan jasotakoa ezarriko da.

4.5. Tributu-kuota.

Zerga-kuota urtekoa, murrizteza eta hainbanaezina da.

Jarduera ekonomikoen gaineko zerga ordaindu behar ez duten edo ordaintzetik salbuetsita dauden merkataritza-, industria- edo fabrikazio-establezimenduek eta lokalek, antzekotasunagatik, egokien irizten den zerga ordainduko dute.

Tarifak

Tasa hau ordaindu behar duten zergadunek urteko tarifa hauek ordaindu beharko dituzte:

Etxebizitzak	120 euro
1 motako kolektiboak. Jende ugari ibiltzen den lokalak (klub nautikoak, adingabeen zentroak, ikastola, Etxe Zuri, zaharren egoitzak...)	750 euro
2 motako kolektiboak (Gainerako tabernak, txokoak, elkarteak...)	300 euro
Nekazaritza- eta abeltzaintza-zerbitzuetarako biltegiak eta kooperatibak	225 euro
Zerbitzuguneak, gasolindegia...	450 euro
500 metro karratutik gorako tailerrak eta industriak	375 euro
500 metro karratutik beherako tailerrak eta industriak	225 euro
Lorezaintza zerbitzuak edo parekoak	150 euro
Merkatari edo profesionalen establezimenduak ohiko etxebizitza den eraikinean	30 euro
Merkatari edo profesionalen gainerako establezimenduak	195 euro
Altzariak eta gauzak biltzea, etab.	Doakoa
Etxeko animaliak jasotzea	Biltzeaz arduratzen den enpresari zuzenean ordainduko zaio tasa

4.6. Kudeaketa.

Zerbitzu orokorrak eta nahitaezkoak emateagatik tasa ordaindu behar duten pertsonak alta- eta baja-deklarazioak eta aldaketak aurkeztu beharko dituzte, eta

tasa behar bezala aplikatzeko behar diren datuak eman beharko dituzte, egitatea gertatu eta hilabeteko epean.

4.7. Salbuespenak.

Salbuetsita daude Udalaren eta administrazio-batzarren jabetzako higiezin guztiak, baldin eta beren helburuak betetzen badituzte; ez, ordea, txoko edo sozietateak, edo horiek alokatutako higiezinak.

Era berean, 2021. urtean, tasa ordaintzetik salbuetsita egongo dira honako establezimendu hauek:

- Tabernak.
- Zaharren egoitzak.

4.8. Diru-bilketa

Tasa hori bi aldiz bilduko da: erdia urteko lehen hiruhilekoan eta beste erdia azken hiruhilekoan.

5.- Langraiz Ganboan edateko ura hornitzeko zerbitzua ematea.- Indargabetuta. 2024ko apirilaren 24ko osoko bilkuraren erabakia

6.- Langraiz Ganboan hondakin-uren saneamendu- eta arazketa-zerbitzua ematea. Indargabetuta. 2024ko apirilaren 24ko osoko bilkuraren erabakia

7. Fotokopiak eta antzekoak egitea

7.1 Helburua.

Tasa honen xedea da interesdunak alde aurretik eskatuta, fotokopiak, dokumentuen erreproduzioak eta antzekoak egitea.

7.2 sortzapena.

Zerbitzua ematea eskatzen den unean sortzen da ordaintzeko betebeharra, eta une horretan bertan biltzen da tasa autolikidazio-erregimenean.

7.3 subjektu pasiboa.

Zerbitzua ematea eskatzen duten pertsona fisiko edo juridikoak daude ordaintzera behartuta, eta tasa ordaintzen ez badu, ez da haren xedea entregatuko.

7.4 Salbuespenak.

Tasa hori ordaintzetsalbuetsita egongo dira administrazio publikoak, erakunde ofizialak eta botere judizialeko organoak, betiere kopiak udaletxean egin badaitezke eta 30 baino gehiago ez badira, edo proiektu teknikoak badira.

7.5 Tarifak:

	Arrunta/eurotan	Murriztua/eurotan	Areagotua/eurotan
Din A4 fotokopia	0,20/ orrialdeko	0,25/ orrialdeko	0,25/ orrialdeko
Din A3 fotokopia	0,70/ orrialdeko	0,90/ orrialdeko	0,90 orrialdeko
Makina bereziak behar dituzten proiektu eta espedienteak	Erreprografiako establezimenduak Udalarari kobratzen dion fakturaren ehuneko 110		
Osoko bilkurako akten Kopia	0,20 euro, inprimatutako orrialdeko		

Prezio hauei dagokien BEZa aplikatuko zaie.

8. Ezkontza zibilak egiteko zerbitzua ematea

8.1. Zergapeko egitatea.

Udal-eraikin edo -instalazioetan ezkontza zibilak egiteko udal- eta administrazio-zerbitzuak emango dira.

8.2. Subjektu pasiboa.

Subjektu pasibo zergadunak dira ezkontza zibila egiteagatik ematen diren zerbitzuakeskatzen dituzten edo jasotzen dituzten pertsona fisikoak.

8.3. sortzapena.

Ezkontza zibila egiteko eskaera aurkezten den unean sortzen da tasa ordaintzeko betebeharra.

Ezkontza zibila eskatu ondoren, eta zeremoniarako ezarritako data baino lehen, eskatzaileek ezkontza egiteari uko egiten badiote, ordaindutako kuotaren ehuneko 50 itzuli beharko dute.

8.4. Zerga-kuota.

- Udaletxeko Osoko Bilkuren Aretoan ezkontza zibila egiteagatik: 50,00 euro.

- Sologana Gizarte Etxeanezkontza zibila egiteagatik: 120,00 euro.

8.5. Kuota ordaintzea.

Ordenantzaaplikatzearen ondoriozko kuotaren aurreko autolikidazio- eta sarrera-arubidea ezartzen da, eta tasaren zergapeko egitatea osatzen duten udal- eta administrazio-zerbitzuak emateko eskaerarekin batera, egindako diru-sarreraren egiaztagiria aurkeztu beharko da. Horren prozedura ez da hasi edo izapidetuko hura egin arte.

8.6. Salbuespenak eta hobariak.

Ez da salbuespenik edo hobaririk emango tasaren ordainketan.

Azken xedapena

Ordenantza fiskalaren aldaketa hau 2024ko urriaren 28an onartu zen behin betiko, eta 2025eko urtarrilaren 1ean jarriko da indarrean, ALHAOn argitaratu ondoren, eta indarrean jarraituko du berariaz aldatzea edo indargabetzea erabaki arte.

Hori guztia orok jakin dezan ematen da argitara, eta jakinarazten da horren aurka administrazioarekiko auzi-errekurtsoa aurkez daitekeela zuzenean Euskal Autonomia Erkidegoko Auzitegi Nagusian, iragarki hau argitaratu eta bi hilabeteko epean.